

寧海將軍固山貝子功績錄

臺灣學堂書局印行

wt/06/14

中國史學叢書

續編

清·乾隆刻本

寧海將軍固山貝子功績錄全一冊

編輯者：清·黃任等

出版者：臺灣學生書局

本書局登記證字號：行政院新聞局局版臺業字第一一〇〇號

發行人：馮愛羣

發行所：臺灣學生書局

臺北市羅斯福路三段二九八號

郵政劃撥帳號二四六六號

電話：三二一·一三四六七

定價新臺幣 \$ 700

中華民國六十五年初版

2098

版權所有·翻印必究

惠獻貝子功績錄序

綏靖之道莫要乎審勢審天下之大
勢知爲要害所關而吭扼之彼鴟張
跋扈其勢卒不得逞於以撥亂而反
之治無難非得智深勇沈神武不殺
之偉人又未易克肩斯任我

國家肇造區夏百年於茲槁項黃馘不
見兵革前甲寅三逆蠢動吳三桂倡
亂於西尙可喜應於南耿精忠擾於
東賊焰方熾勢成犄角天下騷然浙
江毗接閩境耿醜方攻溫州陷黃巖
進薄台郡守者束手坐無策

惠獻貝子奉

王命提一旅師道山陰出台台固浙東郡
閩越未靖台實當其衝 貝子謀定
後動首復仙居破茅坪轉戰黃太以
東數城立下蓋自台疆底定溫處以
至延建漸次削平向使台不先復耿

醜得越錢江出京口三逆齊集金陵
東南大半民不堪命矣故 貝子之
急台也審大勢計出萬全功實爲當
時冠楞生晚距 貝子時遠猶得諸
故老傳聞幸先世列薦紳悉掌故更
與 貝子後人從親聞梗槩甚悉庚

申夏楞奉

命鎮閩閩浙故

貝子恢復地

貝子嗣

孫濟齋公適節制兩省閱三載政成

人和士民感公之治益追 貝子之

恩凡有以紀述 貝子功績者毋論

鴻篇巨製隻字單詞悉發其家所弄

藏以獻爰彙次成冊楞得受而卒讀

之詎不韓歟初 貝子

父多羅定貝勒從

太宗平定天下擒闖孽 貝子與行間素有

威名至是姑蔑之役始至鎮靜退攝
按師不擾一舉而浙閩遂定其謗達

好謀知人善任明威有赫綏靖之道
爲獨得也至撫民恤旅御將將兵則
一本至誠愷惠之心到今父老誦

貝子一二遺事猶涕泗交頤云濟齋

公

宗室鉅儒孜孜以道統爲已任武功文

德輝映後先夫固默有以啓之昔孟
釐子之稱正考父也曰明德之後代
有達人楞於貝子亦云

乾隆六年歲次辛酉夏五月長白後
學策楞謹撰

惠獻貝子功績錄序

惠獻貝子功績錄者閩浙之人不忘
貝子在師之德旣作新廟於道山之
陽西湖之濱以祀春秋復爲是書首
列

廟堂之典策次采學士大夫之紀載旁

及故將退卒之言以至野人山子之
說徵文攷獻攢撫散亡彙而鉸之蓋
去 貝子討逆聞之時已七十餘年
而文孫德公以節鉞繼臨於此者亦
三歲矣德公學爲鉅儒文經武緯羣
吏率職境內日治二方之人旣感

貝子之德而重以公今日之澤凡著
錄之單詞隻字足備信於史氏者悉
抄纂來獻而屬閩之能古文者黃子
任與司訓陳繩重加編定芟其芴而
發其光汰其浮而留其實積半載而
後成凡若干卷於是 貝子當日之

豐功盛烈犁然灼然益以畢顯於世
洵足傳矣昔唐虞之際蒼舒隤斁之
倫以帝室之胄世濟其美而周之同
姓魯有元公禽父衛有康叔武公晉
有文侯文公悼公鄭有桓公武公皆
謀孫翼子克建乃勲以康濟於王家

而磐石葛藟本支百世讀史者恆喟
然竊歎以爲不可及今 貝子用戡
定功佐

仁皇帝而公受

今上眷倚處分陝保釐之地講學興學孜
孜不倦是元公禽父康叔武公萃於

一門矣豈河間東平所得而擬之哉

貝子之德得公而益彰公之澤繼

貝子而益厚宜二方之人感而思思

而欲永其傳以告天下後世也嗚呼

僅矣且此二方之民皆 貝子當日

出之溝壑之中全之鋒鏑之下乃今

曾未百年而相生相養長有子孫熙熙然共遊於公之化也所謂粲乎隱隱各得其所者又可見

國家重熙累洽之盛而角定之公姓藩翰之宗臣皆爲斯民而生也則是書之作烏容已哉其鉅成也來請序余